

四庫未收書輯刊編纂委員會編

四庫未收書輯刊

北京出版社

柒輯・拾捌冊

四庫未收書輯刊

四庫未收書輯刊編纂委員會編

北京出版社

柒輯・拾捌冊目錄

曹司馬集六卷

〔清〕曹燁撰

一

定園文集一卷

〔清〕戴明說撰

五九

載石堂尺牘一卷柴雪年譜一卷

〔清〕宋之繩撰

九一

與袁堂文集四卷

〔清〕陳殿桂撰

一五九

姚端恪公文集十八卷詩集十二卷外集十八卷末一卷

〔清〕姚文然撰

一九五

〔清〕曹燁撰

曹司馬集六卷

清康熙三十二年刻本

寧王司馬攜家護喪東下至浙其服官也獨行已意宦不求達故通籍十餘載室無廬食無田嘗浮家於京雒錢塘之區自喜通脫如此癸未謁選補梧州又盡室之嶺西不一年京師告陷遷副使分守南瑞道江南再陷而路不達天興建都卽備兵蒼梧晉叅政時中原鼎沸而梧江遠在嶺外與撫軍瞿公感懷聯詠至今傳梧江倡和詩亦此日僅事也戊巳之際寧夏建藩與通鄉曲起受事枝柱兩粵之界卒無所爲司馬去位流離廣州佛山鎮者六年卒於乙未之臘年五十三臨沒戒其子曰四方汹汹未定汴城潰亡之餘人之所不爭是可居也明年妻子持喪返乎汴葬於朱仙鎮北夫人余氏欽人長子城諸生有美材好飲酒司馬嘗禁之辛巳秋遊鹽官署中縱飲無節以此致疾卒於杭年廿二次子堦疊恥民曰新安實多才封其耳目甚矣樸固而難通也金司馬文毅公南學於楚而負空群之目家司馬北學於汴而有出類之稱大都聞見開發得之遊歷者居多然文毅雄於制舉藝而詘於詩篇司馬制藝在當時而篇什屬定吾手則較有殊焉者矣吾故比而論之毋使後人有所軒輊云

曹司馬集目次

卷一

星輅詩 七十三首

賦 二首

卷二

客影集 八首

北上草 三十三首

南征草 十二首

宦粵草 二十首

署中偶句 六首

卷三

梧江倡和詩 稊軒二十首 石帆十三首

嶺南近草 六十九首

司馬集目次一

卷四

序 三首

記 四首

策問 二首

題跋 二首

卷五

星輅書上

卷六

星輅書下

帶存堂訂

曹司馬集卷一

大梁 曹燾 爾章

從弟 曹度 正則 訂

星輅詩 崇禎己卯司馬爲屯田郎時受朝命典試

蜀隲五月既望出國門道豫楚爲書紀行而系之以

詩也凡百四首今刪取其粹得過半錄之

盼月

永晝行登夜驅車尚復之鳥規天去遠人恠月生遲昏

黑迷村逕憂疑到客思居平懷皓魄此際倍情痴

綠柳長廊

司馬集卷一

枝枝低覆失天高人影如帆溯碧濤惟得修途能却暑

青陰十里送征鏹

鄔城行

疇昔乘城闕坤垠浴鐵長驅千萬騎王師河上日逍遙

至尊宵旰籌全計諸道援兵非不多公家犒賚窮金幣

巖邑名城所在屠將士飽煖黎民斃我今于役次鄔城

入目愁經良可涕市上皚皚盡綰衣強半拋骸未及瘞

婦女無復少者存不事臙脂但鬢髻男兒健者已從胡

間道逃歸髮尚髣髴背老人徒倚行手持漿粥糊殘嗟

憑軾爲語遭事語未出口潛潛淚訴說無兒值暮年

當此兵戈荒亂歲廬灰物燼亦已矣老妻散去知何迹
有地數畝不得耕佃召無人復誰藝只今縣裏又開徵
里正傷亡拘我替

次黃梁夢謁純陽大士

爲入塵溪沁骨頑停車訪夢禮仙關分明一枕榮枯了
門外蟬聲過遠山

瞻盧生臥像此爲再矣

曾覓仙方向此經枕邊別有路通靈我來閱盡升沉局
猶自遽然夢未醒

磁州官亭卽事

司馬集卷一

人烟隨路數歸心領畧幽妍到此溪一派潺湲與底過
千行淡冶望中森荷衣炤水嬌同女鳥語依桐韻勝琴
恰好敲詩才欲就僕夫報道火雲沉

陰署中對石

愛此玲瓏片石姿相看不厭語移時自從徵逐紅塵後
青眼於君一借之

哀許昌

馬蹄僕僕風塵忙夕炤孤烟野草荒道旁古塚高于屋
知非近代漢耶唐許昌在昔稱蕃庶此來極目何郎當
市廛殘壁橫弗穗老姬驚餅踞破牀斷椽不復庇風雨

夜頂星斗延曙光壯丁荷鍤汗膏土穉子執竿方捕蝗
到得城闔天入暮猶自荷衣映女牆青錢翻盡淨如拭
屋亂紅粧炫眼睺入城觸緒驚心鬼街頭燈火胡蒼涼
不見甕簷千萬礎空餘瓦礫東西望可憐魏家宮闕地
悠悠千載同宵茫耳邊唧唧居人語道非賊燬爲兵殃
以來不聞鳴鐵馬賊去徒爾能鳴張男兒自抱封侯骨
誰爲腰金佩上方

次襄城陪王方輪年丈

客味逢君暫減分茗杯小戀話離羣從人莫漫催前駕
明日遙瞻是楚雲

司馬集卷一

郵亭聽雨

山城無漏臥聽聲斷續幽妻帶雨中及曉甫能成小寐
還家夢又去隨風

宛城懷古

許家月欲圓流光駛如擲中懷百感憂坐此差一適偶
念隆中翁低頭爲歎息頃乃渡白水還憶真人躋大業
化邛壘空名盡古籍日斜紅影長碎亂庭草碧涼颺破
煩溽引杯駉岸幘

南陽道中

秋田炤眼綠歲事亦云登旅逕依河岸人家俯稻隴野

花吹劒佩沙燕掃車楞草草勞人意蕭疎愧嬾僧

溯襄陽

邁徧荒原流水村山分媚冶款勞覓高人雞黍非凡致
何許雲間護鹿門

其二

江州雨壓船低咫尺襄陽入望迷拚學山翁成一醉
無兒解唱白銅鞮

次樊城樓仁皇寺僧寮

千畦響溜和鳴鑼危坐衝泥過釣橋載得繞衣雲水色
恰逢蘭若有僧招

司馬集卷一

宜城阻水

宜城爲宋玉故里宋玉及之

纔新巾櫛促行驛驚報江濤怒老虬弔古有懷思大國
餘糧樓畝問東流坐憐紫陌兼蒼石盡化魚磯並鷺洲
宋玉芳鄰今在否襄回端不爲陽侯

賦謝宜城令

日來瘦削似山癯豈倩囊中藥可腴但得宜城九三酒
故勝漢浦一雙珠波臣偶爾遮前轍地主偏能餉午廚
耦影自掛還自噤不知何者是勞驅

無睡

欹枕不成睡披衣視中庭亂虫啼缺月頽壁照寒星儼

蝠飛求食往來撮流螢館人與馭吏舛息盈官亭坐念
發溪省東方忽破曉

道中遠眺

簡點郵籤路回頭看野雲帝京天上過蜀道鳥中分罷
亞占農事充斥戒盜羣遠山三五抹媚秀似文君

赴荆門

樹未凌霜色寫秋妝巖弄壑送來幽馬穿綠穀春雲脚
人上青蘿踏佛頭場園幾家方畢穫野塘到處有棲牛
歡眸不費搜尋力政涉依然是臥遊

自荆門抵當陽

司馬集卷一

荆門纔出卽山阿窮日迴翔繞黛螺晴雨一天雲各別
青黃十里稻居多水田鵲避農夫立烟逕蛸如牧豎歌
歷盡崎嶇渾未覺却緣好景困詩魔

客當陽歌

時已卯六月二十三日也

軍歌馬客當陽白飯青芻充底心主人愛客爲冠裳
馬樞安頓西壁麻啜我清茗齒頰香坐我高閣炎歊急
惠我酒饌取次嘗入座款語無矜張相對不覺話言長
謙稱此地是山鄉七年曾遭流寇殃寇今在山且飽颺
有人擁彗到此方議將合勦擒其王我聞此說喜若狂
果爾梗路還康莊斯議誰持暗村量恐是築舍在道旁

昨至荆門象山崗流連蒙惠泉汪汪兵士三五逐隊行
競打葉子恣乘涼不見戈矛耀日光今來滿眼旌旗揚
戛兵自古號精強却不出關填街坊君看房穀寇鋒狀
殺人盈城如割羊須臾簇騎衝市廛云是將軍返教場
我乃無言主人去低頭夜坐挑燈忖

玉泉寺

堆藍吹碧上傘襖百尺蘿陰覆塔尖山借亭侯生氣韻
燈傳智者尚莊嚴巉巖駭目疑藏虎頑石連拳好比粉
飯罷香廚雲裏去更於窈窕得荝簷

說蚊篇

司馬集卷一

曹子挑燈讀舊書駢供下酒慰勞車揜緣繞鬢胡紛如
霧暑來往串隱既循我几案穿我練入我帷帳侵我邊
非螢亦復非蠹魚使我不得爲旦舒利嘴如虺過鄉蛆
人世於爾何相吞蒼蠅蟻蝨小有扶嗟爾伎倆遠遜渠
豈能傳放驚秦墟捫蝨桓公枉其廬蚍蜉神通更表著
槐安大國夢遽遽爾於數者其何足赤豹白鳥名底虛
徒能雷聚鬧庭除責爾負山力無餘孝子袒膚供吸吮
露筋貞女人所予到今感歎生躊躇畢竟是誰之過歟
爾猶不悛當迷諸豈但烟燎與扇歐蚊聽我言意興阻
呼其朋類辭吾間吾乃高枕黑甜徐醒聞鵲鳴啼曉初

求衣起促西征興

從桃花舖過最高山頂次白沙宿

境號桃花鎖古藤馬蹄從此踏高層道邊草異多靈藥
履底山溪貯定僧遇石可攜堪笏禮隨人扳磴數探升
客牕久欠無清夢今夕幽光共一燈

峽山

陸海奚須更問僊眼前故已得幽娟寒漪裹石瀾生樹
好鳥能歌响逐泉峭壁何人苔篆字孤巖誰氏火耘田
構萌我欲還來此說甚桃源併輞川

泛江歷東西瀼

司馬集卷一

萬頃玻璃江形我一棹小高灘走鳴湃聲聲自木杪相
逢下瀨船其去疾于鳥岸夾紅紫光蒙茸朝暎燎初來
過東瀼矮屋晨炊嫻榜人指舊縣名存墟已沼上到將
軍灘黑石橫天矯山氣壓鮫宮淫濛失昏曉臥聽勝卵
西噴清生宵窺層折凡幾灣水勢望如了轉逕沿洄之
又向西瀼遠艤纜一爲登乃在林巒表居人有麗簷村
古人家少不見少陵居一水千山梢

翻梅鶴二坡

狂瀾閱罷上危坡飛逕盤空出鳥蘿莫謂楚山今日盡
猿啼前路蜀山多

巫山高

巫山高不可攀，至今想見神女之芳顏。朝來雲捲出烟
鬟，暮來新月寫眉彎。朝朝暮暮相迴環，澹凝秋水冷春
山。龍蔥窈窕幽復闕，風搖翠滴珮珊珊。楚王已去何時
還，好夢不續千年閒。望夫有石情同頑，山頭雨化淚痕
斑。手作峽中浩浩之鳴瀑，吁嗟乎道上之行人兮，請看
十二峰尖巉，瘦色可比湘妃斑竹斑。

苦熱

天不雨雨旱火，熇勢將竭澤。老蛟泣祝融，何事苦相妬。
風伯不容其拱揖，扇軟蒲葵無力張。汗翻復那成顆粒，

司馬集卷一

焦臺安得相從釣，肌粟寒生透體濕。

少陵草堂

在夔州東十里，瀕江。

子美依嚴武，蹉跎志未除。詩能窮乃聖，亂且客爲家。卜
築雖江濱，移舟亦浣花。人生如寄耳，無處不天涯。

諸葛孔明八陣圖

此老真奇幻，稱龍雅自雄。如何雲鳥勢，只在石沙中。大
力輸天定，神機託鬼工。到今魚復上，指畫欲生風。

白帝城

白帝城高倚翠隈，井蛙始事亦豪哉。層層山裏源源水，
不識岑彭何處來。

響垂洞

嶺嶺藏阿巖，懸空逗匹繚。絲飛殊斷藕，影動宛垂簾。激
石砧敲練，將雲龍掛鬚。聲光遲眺聽，襟袖覺寒沾。

小江公署

所居隣是水，而在水之崖。坐立俱逢石，幽奇畢遶鞵。偶
才翻作主，小憩竟吾齋。一路婆傳舍，於茲減旅懷。

雨中得月

既以涼吹雨，云何月並來。孤光秋氣到，隔轍夏雲才。樹
仄明搖濕，簷幽暗墜苔。高天湔暑色，陰霽不相猜。

萬縣道中申竹

司馬集卷一

寒碧攢天翠，遠烟送迎四十里。猶然一行人馬穿，貧谷
沿路溪邨畫渭川。搖玉直移山影動，呼君却倩鳥聲傳。
道旁弱荀堪強箸，石壓班班大似拳。

宿天池

三夏居諸九十客，土吹人面無丰色。此日風塵少覺輕，
脫囊呼酒饒筋骨。窗掛寒陰殘薄蒸，秋蚊飛猛如花鷹。
酒力未軟好覓睡，夢覓搖雨卻篝燈。愁來許大蒼穹窄，
啼入夜虫聲絡繹。雞叫馬嘶曉不交，遠床浸透天光碧。

次壑江喜會鄭昆瑛主簿兼謝惠餐

偶然相值總緣官，君貌占肥我帶寬。世事古今蕉鹿夢，

人生分合絮風飄連牀舊語懷燕月列鼎鮮烹訝蜀餐
萬里情懷通片晌擎杯自飲強成歡

聞打穀

隔簷聞打穀子婦喜相嘈山童謹社鼓野爨散村醪使
我低頭坐暗中發半騷釋褐八九載吟噉亦脩遭琴鶴
無生韻薑桂不改操蕪穢舞陽田吁無寸土膏致令妻
孥輩并日憂嗷嗷浮生洵若夢虛名良可逃何當挈家
隱尚友鹿門高

意外吟

宵征暮歇蜀川郵遲遲風光意外收已隔人烟時見寺

司馬集卷一

去臨絕頂又逢樓田間白鳥騎牛背道上青山覆馬頭
窮谷參差張店市量錢多是女兒流

予在虎林以文字構緣內江令湘芷繆君過此擬
晤乃亦以關事先期去矣

十年待結夢中冤賦草名秋筍尚存蘭味久虛籌采筆
花封擬到肅窪鐫豈知看竹來江岸竟爾題凡過縣門
會合偶乖還得聚棘闌文好細重論

過老君廟山下存迎仙橋

青牛西出函關日此地還無老君跡多是明皇入蜀時
尋幽廟立江上石馬啼隔遠已秀森橋渡迎仙迷所適

山鵲秋虫歷亂喧應爲道德五千譚

已發復返阻雨也簡州作

不是回車到虛茲雅致多竹供君子韻蕉剪美人羅戀
境成難捨忘懷屬再過此番勝得得翻意感滂沱

棘闌雙桂時士子試初場也

庭分雙桂競婆娑雅合開樽醉綺羅夢曉尋香人是蝶
戰秋爭折角同蜩層層金粟枝枝密淡淡黃華細細多
入夜影飄誰箇手好憑公案判嫦娥

內江君步園飲之作仍用前韵賦答爲別

偶於朱邸觀青天病骨爲蘇宛夢仙韵出詩腸元自別

司馬集卷一

交忘帝胃總皆緣不愁歸路耽遊展得高風滿去船
從此纖彎峨岫月寒烟眺夜影蕭然

遊中巖諸勝在青神

洞石溪雲態各媚騎窮以步繼盤旋燈傳古佛山能壽
境澄新題墨亦仙伏虎巖聯州水窟喚魚池悟惠莊緣
從僧如導蹊危磴奇絕三峯最上巔

凌雲山寺在嘉定

鹿苑陰陰山裏之紆迴一線到來遲江分霽色環爲抱
竹庵髡居過不知開士法身傳鶴相長公遺蹟剩花池
鳥尤如鸞遙撐峙寫遍金焦誦畫師

朱宗侯招同王存拙飲芙蓉別院 凌雲山上

事以山爲舉奇於水得多千齡巖頂木十丈佛頭螺

大

臨天末論鄉曲雲中渡客舸歸途漁火亂江影宛星河

聖水樓贈詩僧化機 以下四首遊峨眉山作

大峨鐘壁呂仙靈冥接籃輿爲少停泉發不知源所自

境奇翻訝事非經石藏高衲眉從白樓引名山眼故青

蓮漏六時閒禮罷敲推着意月盈庭

雙飛橋 凡飛泉以懸厓此以走奇乃雙而合一更奇也在我眉山麓

何年鬼斧劈山骨驚起白龍雙笑兀電走霆馳不肯留

穿虹散雪殊超忽當溪怪石號牛心怒激湍洄如戲現

司馬集卷一

震吼聲來天柱峯雙龍復化爲一龍劃然裂破蒼與碧

逕開一笏帶雲從

宿萬年寺

甫割緇流席塵機息翠微虫喧真率漏木脫老來衣靜

擁心真臘燈寒烟水圍高山兼夜氣秋影繞人飛

大巖山頂 卽袁嶠

勝峯高妙妙於虛變換烟雲俄頃餘八十四盤天上去

盤盤寒碧浸人裾老僧分我蒲團夢寂歷孤嶺絕羣動

一龕燃斷木魚聲禪室香廚軒睡衆金鐵稜稜不似秋

滿山鳥冷叫淒涼霜鐘撞破黑天曉旭景托出芙蓉頭

雲湧兜羅菴若海峯巒蒼翠參差改雪山窮眺真奇觀

銀闕瑤臺飛瑞靄天竺迤東慈嶺西達摩雙履其間攜

普賢跨象來中國不識來從何處歸

過涪翁亭觀磨崖流杯池 在叙州府

本以亭亭至寧知得石幽斜欹雲作相娟小島爲浮峻

前開飛徑孤鳴洩汎流少陵應未到空自賦戎州

紫舟合江訪長春洞次禪上韵

野服循溪踏翠茸小航破浪覓山重崖珠滴滴晴仍雨

霧縠霏霏散又封丹竈虛人疑化鶴蒼苔繡樹竟如龍

經臨遊笠知何許殘榻埋烟剩舊蹤

司馬集卷一

病起舟中作

低回把明鏡貌駭失平生面上春華減鬢間秋色橫閉

廳防瘴過聽櫓意舟行雨落連江夜蕭瑟病起情

發重慶

古來巴子國山水特清幽石佛當潮立晴川作字流見

閒看遊客運轉設前舟峯凹烟林出家家竹裏樓

佛手柑

金身誰斷臂尚自泛旃檀在樹數簷葦登盤笑晚蘭聞

香生慧潁豎指悟心安雖未燃花笑禪當不語看

平都山謁諸神像尋王方平陰長生仙跡

挨山道院間空門毘客網流也自邛詠曲孤峯侵碧落
陰森午殿已黃昏時時雲擁燒丹竈點點丹看下瀨
玉祀獨留關家在俯窺省井撲仙源聖殿前有漢
森秀寺遺跡非人世所辨也頂有仙光而關廟覆之
其深矣

次雲陽謁張桓侯祠

魏巍廟貌祀英模不獨聲名歷魏吳揮翰有時見八分
法與中郎爭並驅嚴顏本一俘累耳壯語相抵真丈夫
誰肯奮錚犯盛怒從容解縛加禮殊只今靈爽宛如昔
使我俯拜增欷吁

司馬集卷一

入巫峽

順流送楫衝寒穀遠入危嶠空望麓馴鴉故故掠舟飛
似向人言飢乞肉囊夫擲膾墮空中健翻翻迴如蝶撲
峯勢逶迤去轉佳岫突巒嶺雄曲複霜崖頤注絢於春
江樹紫藤高下簇山頭古惟曉曉石畫工未必能圖幅
小磨大磨水更奇吞吐雲烟滾洄洑迎岸倒江千丈壁
青金涵光一線目幽賞不知身在險徧數峰尖尋二六

夷陵晚眺

城郭低沙磧市聲落水邊霞天烟際動幾箇打魚船
問僧得家信

政此懷家甚途僧是故鄉訊從吳棹得喜落楚天狂魚
稻芬郵墨刀圭倩酒臺親幃雲外望何日卸歸裝

辛酉歲予泝杭渡江得橫江浪滾似山移之句迄
未成篇今日發石首不數里狂風濛雨濤洶滔天
因憶昔句遂爲足之

橫江浪滾似山移帆力提舟巧用欹倒落一天光破碎
不勞雙槳舞琉璃澹烟樹色窺倪瓚小雨山情入郭熙
爲語榜人休錯愕西川所歷險還奇

日聽

日聽鳴鐘發晨昏只自親水程驚月滿客鬢怯風頻村

司馬集卷一

泊三家夜舟憐一葉隣從諳行路味求有此番真

磯泊

洞庭遙望暗戎戎萬點烟青一塢中怕是石尤遮客住
江豚歷亂拜江風

返炤

百年中一日漸又向西微碧改江臯暮丹迷霜樹稀餘
光分雁戍殘綺接星輝畢景疲行邁思歸却未歸

晷短

晷短苦途長夜分棹寒碧睡裏聽雞鳴欵越魚山驛頃
乃天河落羣動不能久羲輪一跳九紅光紛沓射扶桑

隔萬國樓頭望咫尺，盥櫛俯雕甍，徜徉傲塵陌，帆去旋於馬村疎，似殘乘山過，不知各鳥來，立沙磧，巨鱗飽鯢，鯢鳴吹浪花，白所攬，良亦多足，生情性適，有時命淥樽，終戀涼光，撒日接早暮，豫爲我卯酉客。

小至

小至書雲候，孤情轉自幽，漏裁家夢短，日較水郵修，陽色微，刪冷江聲暗，送舟遙憐吾內子，添線亦添愁。

逕彭澤

彭澤凌霜過，高嶠綴小城，心輸陶令節，腰恥督郵輕，酒漉何論斗，詩敲不買名，人生貴適意，歸去屬辭成。

司馬集卷一

十六

馬當山

嶙峋峭壁橫，截江流其形如馬也。

浪急難爲控，當流翠壁連，遠疑牛競飲，近覺驥奔泉，石筍如繁策，苔衣作錦韞，孫陽或過此，顧盼定須先。

瓶爲風磬作

石帆曹子生無奇，有如器中之鳴夷，朝朝暮暮貯酒宜，廓落雖輸五石瓠，醉鄉解與東臯期，自從卅角爲兒嬉，便喜買笑當壚姬，嗜好本然出生性，天機一派非人爲，算我行年過四九，三萬六千將半之，其間憂愁與風雨，剩幾花明月媚時，賴得麴生常絆住，澆吾肺腑以金卮，青蚨那計綠蟻貴，春衫典待秋容遲，餌藥未必定能仙。

飲酒斷然可忘年，赤松可從穀可辟，此物一日不可捐。

堪吟石帆子，遠經沔鄂川，舟阻皖城西，目極皖城烟，封

姨鼓浪浸稽天，蒼頭畏縮不敢前，篙工卸席張空拳，劉

白墮家何處，繞岸蒼茫草，枯樹上簷村，款無門江上孤

舟欲斷，竟往時夜夜倩酒爲銷憂，此夜憂多誰底勾，我

我碧山頭，蕩蕩長江流，安得韓湘逡巡手，化成酒池與

糟丘

泛月 在秋浦

天公何多情，贈我一彎月，積素隕寒波，衆光動如髮，舟從中盪之，鏡裏橫孤兀，回眺九子山，山尖互明滅，推窗

司馬集卷一

十七

不忍眠珍重，此清越。

巴峽舟行賦

乘桴鼓柁，載自岷江，揣厄羸而怯，霜攬景物以闕，應秋綠耄而謝位，冬方穉而蒞邦，眺寒林之瑟瑟，聽駛流之流瀧，藤垂垂其委，鬚峯聳聳以豎，幢忽焉市聲來於遠岸，城闌出於峻嶒，舟師曰：此巴子之國也，焚產蠶竇，千緒交易，魚鱗鳥翼，萬屋分張，予乃停橈，竟日信刺而枕石，佛在瞻，便致眼光之大覺，林遙隔不聞鼻觀之香，于是纔解篙從漿，代驅揚岸，移花改知，飛鳥之同遊，山迴水轉，驚去艇之俄藏，或五里而十里，歷近鄉而遠鄉，竹

裏人家犬吠樓頭少艾蛾粧猿飲恨而不嘯鳥欲喚以爲牀術楓醉赤烟袖染黃望凝錦步之障爛於韶媚之光怡旅情其澹冶棲客夢乎蒼茫朝暾一線曳紅痕于翠壁晚嵐殊狀坐奇鬼於幽崗若夫奔潰馳驟兮天不雲而雪舞狂濤吼塊兮地欲震而霆彰仰山頂之危巒兮旣如屏而如閣俯江心之卷石兮更如鉅而如礪嘖嘖聲中顚恍吳兒欸乃兮笠蓑船上婦勤水國之姑嫜嶺半之官路蹄行兮畫出寸人豆馬村凹之僧龕鐘動兮起數星爛鴉翔斯夕餐魚兮雅享征帆之福時流多異兮堪收詩客之囊縱一韋之所覈兮蓋應接不暇而

司馬集卷一

十八

心目之俱忙

燕窩石賦

卽所謂燕窩者也石色似攢泥故俗以名

瞿塘峽口片石橫江挑濤爲怒自有此峽以來此石之爲人患久矣乃諦觀而爲之賦

方夔門之未遠逐蕩漾而縈紆癘衙衙其縱送心折折以恬愉眺蒼崖之崢嶸驚去艇如駒駘候江心之片影滯羣舟之杖竿浪層高而跌宕水澳震而盤盪胡風濤之忽作豈老蛟之護珠遙而視之非岷非嶓巉削子立禿鬣無茨團團族拱乳沿蟬挂撐水面呼爲燕窩起春潮之飛鯨棲夜漏之鳴鼉或汎桃花之浪適興瓊于

之歌招波臣而願指邀河伯以委蛇幻馳形于象馬馳逝鏃而誰何爾其醜頭突颯當流弗勢幽宮掩映撫晷不見痕添新雨驚瀟灑之奔來水落初秋悵荷紅之逾瀼勢排山而裂地爭攫秦皇之鐻浸倒海以稽天安寬錢王之箭去不可帆來不可絳長年操舟而色沮過客泊巾而胆顛若乃皎月凌空嚴霜灑灑赤韜之虬欲怒黃頭之郎不櫓木魅弄聲似公狂嘯哀孤覓之寂歷異汨羅之可弔度奇鬼之殊形莫燃犀而一燭則夫此石之爲患也奔湍舞濤等支祁之脫鑲商於估舫怵弱水之飄毛斷楚雲而非邀潰蜀天而失高仰而眈峽塘蟬以相屬俯而頽瀨雪雪其長嘜良西川之門牡而澤國之斜褻也歟

司馬集卷一

十九

康熙癸酉首春

語兒從子肩吾景畧校刊

子男 珠公冶手輯

曹司馬集卷二

大梁 曹 燁 爾章 著

從弟 曹 度 正則 訂

客影集 辰巳之間寇擾中州司馬攜家東下客居錢唐從而之蘇之湖道出嘉禾之所作也其詩良夥司馬手自刪定去取嚴錄八首

宿靈隱三日窮諸山之勝

幾度來過興逾濃情痴多為石玲瓏雨中尋夢遊香界晴後穿雲踏碧峰古路時驚春樹鳥歸程刻定晚烟鍾冥搜猶恐遺名勝手袖圖經覓舊踪

司馬集卷二

過鹽官門人劉唐臣招集陳園觀海 時為鹽令

鼙鼓烽烟滿江北欣君海曲不揚波稻畦青接石塘遠漁戶船歸澈浦多杯吸潮聲吞日本樓懸燈影逼星河水天領畧無窮趣相對烏紗亦綠蓑

與錢仙巢同門泝太倉還次吳門為別

婁江偶訂問宮壙李中丞葬處先後相依一雁行日算水程同客味夜分漁火話家常劫來清事尋棋局酒際機鋒落几牀最是紅樓歌白雪覓銷猶自憶金閨

南湖舟次作

秋色煙涵碧水天同人作客喜同船驚驚湖畔孤篷語

煙雨樓前十日緣漁罟時開菱芡路隣舟不斷暮朝絃家居輟掌難為拂坐此開閒河已仙

贈郭中翰時能餉役

慚余飄泊一萍踪青岱我幾未得逢玉佩踏殘湖上月金章又拜御前鐘聲名早已高批執輪輓今看足正供何日兒童重竹馬願隨共逐細侯容

次禾中快晤張來初名一如備兵禾城

聚散真同一局棋不堪回首重思維看殘屋角初圓月讀破齋頭舊惠詩可幸虎林纔接袂何期鴛水又擎巵珍君意氣難為別烟雨樓中許久之

司馬集卷二

中秋前三日赴雪月

蟬聲已過藕花時一路西風落髮絲秋水坐高茗上棹晴山澹寫畫公談烟生遠樹如將斷雲起前灣失所之好節多應又孤負夜聽對月聖幽思

訪僧庵壺

鋤盡閒雲暝亂烟蟬栗不鼓綠陰妍遠心長結詩邊夢慧業同秦國裏蟬萬壑泉聲蟾漏出一龕燈影鳥飛還塵根儘向松濤洗遮莫今朝一日倦

北上草 崇禎癸未始夏司馬外艱服闋謁銓入都

凡道路所經與都人士相贈答各有詩得三十三首

登平遠堂寄眺

客裡無他事登臨便是忙山高草勢合天迥一臺來野水穿邨白時光到麥黃收來千里目爲我壯行裝

淮上值孟仲練

經年擲管賦離居不謂飄萍亦似予共寄天涯哀斷脰况聞故國盡成魚只今用武猶無定漫自膏車縱所如一劍橫霜看欲吼知君平素讀兵書

仍用前韻答孟玄鉢宗伯

幻悟浮生信所居人將愁說始愁予無家久作巢林燕故里還多泣金魚窮路逢公雙壁貴好詩移我貫珠如

司馬集卷二

三

梓情蘭臭交相重不論爲官是尚書

口占贈僧

托鉢來西嶺鬚長尚不歸烏分中後飯鼠敲定時衣

壽方君弼

吾鄉一片地山水信多靈昔有高人跡君今處士星病餘窺道妙和至得昌齡仙骨本來具無勞問內經

憩清浦淨居寺

愛得空門宿曹溪別一宗庭畦閒浴雨野鴿自馴鐘境與塵中遠居疑海上峯還悲凡肉眼瞻禮化身容

寂相

寺有休師

退後北上作

兵戈初遠少人烟千里生涯寄一鞭野水白如雲在地草蟲啼似鬼呼天追思玉帛狀馬誰策金城坐漠邊五餌不如圖未雨嚴疆將吏漫安眠

途中志感

亂後膏原盡就荒何時得起此痍瘡炎天道遠驢窺井曠野村空雉雉墮果敢聊供商旅飯弓刀變及婦人粧可憐蒙難逃歸者隊隊扶傷竟故鄉

聞盡出口

都道官軍把寇圍忽傳又飽颺歸甘泉未報平安火

司馬集卷二

四

壯士猶穿征戰衣憂國多於懷井里逢人過卽問兵機總能小創終餘憾孰與犁庭展國威

弔通公

有序

余與通公交好涉閱多霜每暇來闕下必巾車秣馬時相過從從則握手盡歡談玄冥對公志袞袞我忘紗帽公不忍我別我不忍去公也邇余讀禮南中公以書郵寫懷寄意今余服闋赴補枉道房山期與公把叙契濶不謂到門而公已奄化去矣痛心提筆作此酸言

每入山來如到家此來山在主人遐牀前剩有登峯履